

subscripsit Concilio Chalcedonensi act. 16. in qua Episcopus Byziae & 1 Arcadiopolis dicitur. Epistolam etiam scripsit ad Leonem Imp. quæ extat parte 3. ejusdem Concilii, qua Metropolitanus dicitur, sicut & *Theodorus* Byzanorum Metropolis in fine collationis octavæ quintæ Synodi generalis.

SELYMBRIA Ptolem. ibid. vulgò *Selombria* Molano, Sophiano autem *Seliurea*. *Auxentius* Selymbriæ Metropolis (nempe honorariæ) subscripsit Concilio Constantinopolitano sub Agapeto & Menna.

ARCADIOPOLIS, quæ teste Cedreno Bergula vel Bergulium dicta fuit, vulgò *Bergas*, teste Mercatore. Hujus Episcopus *Sabbatius* subscripsit Concilio Constantinopolitano V. generali, fuit tamen aliquando unita sedi Byzienti, ut superius dictum est.

PROVINCIA THRACIÆ.

PHILIPPOPOLIS Ptol. lib. 3. c. 11. adhuc *Filippoli* dicitur vulgò, & Turcis *Filibe*, Thraciæ urbs nobilis est, in quam Ariani res suas Patribus Sardiensis Concilii credere non ausi fugere, novaque fidei formula edita damnarunt Homousion. *Silvani* hujus Episcopi meminit Socrates lib. 7. Hist. Eccles. c. 36. *Francion* Philippopolis Metropolis Thraciæ dicitur, in subscriptionibus Concilii Chalcedonensis, & *Valentinus* ejusdem Metropolis Episcopus ad Leonem Imper. Epistolam scripsit.

² DIOCLETIANOPOLIS Notitiæ Græcæ antiquæ. *Epictetus* Episcopus Diocletianopoleos legitur in Epistola Synod. Episc. Thraciæ ad Leonem Imperatorem.

DIOSPOLIS eidem Notitiæ, & Cedreno in Thracia, qui *Alexandrum* hujus Episcopum nominat.

NICOPOLIS Ptolem. lib. 3. cap. 11. vulgò etiam *Nicopoli* Sophiano, aliis *Boulgrad*. *Polycarpus* Nicopolis Thraciæ Episcopus dicitur apud Socratem lib. 7. Hist. Eccles. cap. 35.

PROVINCIA HÆMIMONTIS.

HADRIANOPOLIS Anton. in Itin. vulgò *Adernopoli*, & *Endren* Turcis. 3 *Eutropii* & *Lucii* ejus Episcoporum meminit Theodoretus lib. 2. Historiæ Eccles. cap. 15. quorum Lucius ab Arianis accusatus sede sua expulsus est, Sozomeno teste lib. 3. cap. 7. pro quo restituendo Julius Romanus Pontifex ad Orientales Episcopos scripsit. Et *Joannes* Metropolis Adrianopolitanorum subscripsit Conc. Constantinopolitano generali quinto.

⁴ MESEMBRIA Ptol. lib. 3. cap. 10. vulgò *Mesember* Sophiano. *Mamalus* Episcopus Mesembriæ in Hæmimonte legitur in actibus Concilii Constantinopolitani quinti Generalis.

SOZOPOLIS antiquæ Notitiæ Græcæ. *Olimpius* Episcopus Sozopoleos Hæmimontis civitatis Pisidiæ Concilio Chalcedonensi subscripsit. Sed an hujus sedis Antistes, & mendosè civitatis Pisidiæ scribatur, dubium est.

PLOTINOPOLIS Ptol. lib. 3. cap. 11. vulgò *Plondin* teste Nigro. *Hierapylus* hujus Episcopus fuisse dicitur apud Socratem lib. 7. Hist. Eccles. c. 35.

DEVELTUS colonia Ptol. ibid. Græcis *Develto* dicitur vulgò, teste Sophiano.

NOTE LUCAE HOLSTENII.

¹ *Arcadiopolis dicitur*] & sic Euprepus in Conc. Ephesino act. 7. p. 309.

² *Diocletianopolis &c.*] & ante in ipso Concil. Chalced. Act. 6.

³ *Eutropii*] Meminit Athanas. ad Solitarios p. 812. de ejus exilio. De Lucio autem pag. 821. [*Julius R. P. ad Orientales Episc. scripsit.*] Am-

mon adfuit Concilio Constantinopolitano sub Nestorio.

⁴ *Mesembria &c.*] Episcopo Mesembriæ olim attributa fuit Ecclesia Aquensis in Dacia Ripense, sed hanc eidem ademptam Achridensi Patriarchæ subjecit Justinianus Novell. 11. coll. 2. ubi infelicitè vocatur Meridianus & Meridianus Episcopus ab imperito Interprete.